

**“ОРХОН ХӨГЖИЛ” ХУВЬЦААТ КОМПАНИЙН ХУВЬЦАА ЭЗЭМШИГЧДИЙН
ЭЭЛЖИТ ХУРЛЫН ТЭМДЭГЛЭЛ**

2017 оны 04-р сарын 25-ны өдрийн 11.00 цагт Улаанбаатар хот, Сүхбаатар дүүрэг, UB MART худалдааны төвийн 519 тоотод “Орхон хөгжил” ХК –ийн хувьцаа эзэмшигчдийн ээлжит хурал эхлэв.

Энэхүү ээлжит хурлыг зохион байгуулах комиссын гишүүд хуралд ирсэн хувьцаа эзэмшигчдийг холбогдох журмын дагуу бүртгэн авч ирцийг тооллогын комисст хүлээлгэн өгөв.

Хуралд компанийн нийт 117'437 ширхэг хувьцааны 100'621 ширхэг хувьцааг эзэмшигчид оролцсон бөгөөд хурлын ирц 85,6% -тайгаар хурал хүчин төгөлдөр эхэллээ.

Хурлыг тус компанийн ТУЗ – ийн дарга Д.Оюунжаргал нээв.

Хурлын дарга Д.Оюунжаргал:

- Сайн байцгаана уу. “Орхон хөгжил” ХК – ийн хувьцаа эзэмшигчдийн ээлжит хуралд хүрэлцэн ирсэн та бүхэн энэ өдрийн мэнд хүргэе. Тус компанийн хувьцаа эзэмшигчдийн ээлжит хурал эхэлж байна. Та бүхэнд хурлын дэг болон хэлэлцэх асуудлуудыг танилцуулъя. Бид энэ удаагийн хурлаар дараах асуудлуудыг авч хэлэлцэнэ. Үүнд:
 1. Компанийн 2016 оны үйл ажиллагааны болон санхүүгийн тайлангийн талаарх ТУЗ-ийн дүгнэлтийг хэлэлцэж батлах;
 2. Компанийн цаашид хэрэгжүүлэх үйл ажиллагааны бизнес төлөвлөгөөг батлах,
 3. ТУЗ-ын ногдол ашиг тараахгүй талаар гаргасан тогтоолыг хэлэлцэх,

Ингээд хурлаар хэлэлцэх эхний асуудал болох “Компанийн үйл ажиллагааны болон санхүүгийн тайлан” – г компанийн Гүйцэтгэх захирал Д.Жаргалсайхан танилцуулна.

Гүйцэтгэх захирал Д.Жаргалсайхан:

Хуралд хүрэлцэн ирсэн та бүхэнд энэ өдрийн мэнд хүргэе.

Тус компани анх Орхонтуулын Сангийн аж ахуй нэртэйгээр байгуулагдсан бөгөөд 1991 онд Хөгжил нэртэй 5000 бяруу бордох аж ахуй болж өөрчлөгдөн зохион байгуулагдсан. Засгийн газрын Өмч хувьчлалын комиссын 1991 оны 12-р сарын 02-ны өдрийн 30-р тогтоолоор “Цуу тайж” нэртэйгээр Хувьцаат компани болж, Монголын хөрөнгийн биржид бүртгэгдэн, өмч хувьчлалын ягаан тасалбараар нийт хувьцааны 67 хувийг хувьчилж, 33 хувь нь Төрийн мэдэлд байсан.

МУ-ын Засгийн газрын 1997 оны 160-р тогтоол, ТӨХ-ны 1998 оны 126-р тогтоолоор “Цуу тайж” ХК-ийн төрийн мэдлийн 33 хувь буюу 38'754 ширхэг хувьцааг нээлттэй дуудлага худалдаагаар худалдаж, Төрийн өмчийн хорооны 1998 оны 4-р сарын 17-ний өдрийн 242 тоот тогтоолоор өмчлөх эрхийг 100 % хувьд шилжүүлсэн болно.

Компани нээлттэй зах зээлд 117,437 ширхэг хувьцаа гаргаснаас 100,621 ширхэг хувьцаа буюу 85,68 хувийг нэгдмэл сонирхолтой этгээдүүд худалдан авч төвлөрүүлээд байна.

2000 оны 4-р сарын хувь нийлүүлэгчдийн ээлжит хурлаар компанийн нэрийг сольж “Орхон хөгжил” ХК болгосон бөгөөд энэ талаар Сэлэнгэ аймгийн татварын албанд бүртгүүлж, аж ахуйн нэгжийн гэрчилгээг шинээр авсан.

“Орхон хөгжил” ХК нь хувьчлагдсанаас хойш 1991 оноос одоог хүртэл улаан буудайн тариалалтын чиглэлээр үйл ажиллагаа явуулж байна.

2010 оноос компанийн удирдлага шинэчлэгдсэн бөгөөд компанийн техникийн паркийг шинэчилэх зорилгоор нийт 9 нэр төрлийн 603 сая төгрөгийн хөрөнгө оруулалт хийсэн.

Компанийн өнгөрсөн жилийн үйл ажиллагаа

Тариалалтын талаар:

Тайлант 2016 онд тариалангийн ажилд ашиглах техник тоног төхөөрөмжийн засварыг хугацаанд нь хийж гүйцэтгэсэн.

Тариалалтыг 5-р сарын 05-ны өдрөөс 5-р сарын 29-ныг дуустал хугацаанд нийт 852 га-д хийж гүйцэтгэв. Тарихын өмнөх боловсруулалтыг трактор, сийрүүлэгчээр гүйцэтгэсэн бөгөөд 170 тн үрийг 8-10 см-ийн гүнд тариалав.

Тарианы соёлолт, ургалтын явцад бороо чийг сайн байсан тул ургац хураалт сайн байсан болно. Мөн тариан 43 га талбайд мал орсноос 20 га талбайн тариаг хурааж чадаагүй болно..

Б.Ургац хураалтын талаар;

Комбайны засварын ажлыг хугацаанд нь хийж гүйцэтгэн 3 комбайныг бэлэн болгож ажилуулсан. Хураалтын явцад комбайны эвдрэл бага зэрэг гарсан боловч цаг тухайд засварласан.

Тайлант онд 850 га талбайд уринш хийсэн. Уриншийн талбайд гербицид хороор боловсруулалт хийсэн. Хор цацах ажлыг 6-р сарын 15-аас 6-р сарын 25 хүртэл 10 хоног гүйцэтгэв. Уриншийн 2-р үеийн боловсруулалтыг 8-р сарын 8-аас эхэлж сийрүүлэлтийг 10 хоногт хийж гүйцэтгэлээ.

Ургац хураалт өөрийн машин техникийг ашиглан 40-45 хоног үргэлжлэв.

В.Үтрэмийн ажлын талаар;

Хураасан будаагаа өөрийн ачигч, цэвэрлэгч, сортлогч машиныг ашиглан стандартад нийцүүлэн ачуулсан болно.

2016 онд 1 га-гаас 22,79 цн буюу нийт 1941,71 тн ургац хураасан. Үүнээс 1743,29 тн будаа борлуулж 770,504,15 сая төгрөгний орлого олсон. 556,03407 сая төгрөгийн зардал гарсан бөгөөд 202,276,32 сая төгрөгийн ашигтай ажилласан.

Хурлын дарга Д.Оюунжаргал:

- ТУЗ өмнөх оны ажлыг авч хэлэлцэж алдагдалтай ажилласан гэж дүгнэсэн. Гүйцэтгэх захирал Д.Жаргалсайханы танилцуулсан тайлангаас тодруулж асуух зүйл байна уу?

Хувьцаа эзэмшигчид:

- Асуулт алга.

Хурлын дарга Д.Оюунжаргал:

- Өөр асуух зүйл байна уу? Байхгүй бол дараагийн хэлэлцэх асуудалдаа орё. Бидний хэлэлцэх дараагийн асуудал бол “Компанийн цаашид хэрэгжүүлэх үйл ажиллагааны бизнес төлөвлөгөөг батлах, Энэ асуудлыг та бүхэнд ТУЗ – ийн гишүүн Г.Гансүх танилцуулна.

ТУЗ – ийн гишүүн Г.Гансүх:

- Компанийн хувьцаа эзэмшигч та бүхэн бизнес төлөвлөгөөтэй танилцан шийдвэрлэж өгөхийг хүсье. /Төслийг тараав/

Хурлын дарга Д.Оюунжаргал:

Санал хүсэлт байхгүй бол хурлын дараагийн асуудалд орё. За тэгвэл дараагийн хэлэлцэх асуудал ТУЗ-ын ногдол ашиг тараахгүй талаар гаргасан тогтоолыг хэлэлцэх, Энэ асуудлыг та бүхэнд Гүйцэтгэх захирал Д.Жаргалсайхан танилцуулна.

Гүйцэтгэх захирал Д.Жаргалсайхан:

- Орхон хөгжил ХК нь 2015 онд алдагдалтай ажилласан, мөн 2016 онд алдагдалаа нөхөж ажилласан мөн банкны зээлтэй байгаа тул ногдол ашиг хувиарлахгүй байхаар шийдвэрлэсэн болно.

Хувьцаа эзэмшигчид:

- Дэмжиж байна. тодруулж асуух зүйл алга.

Хурлын дарга Д.Оюунжаргал:

- За тэгвэл бидний өнөөдрийн хурлаар хэлэлцэх асуудал дуусч байна. Ингээд санал хураалтаа эхлүүлье.

Хувьцаа эзэмшигчдээс өөр санал, асуулт гараагүй тул санал хураалтыг эхлэв.

Саналын хуудсыг тооллогын комисст хүлээлгэн өгсний дараа хурлын дарга хувьцаа эзэмшигчдийн хурлын шийдвэрийн төслийг танилцууллаа.

Тооллогын комиссын дүнг тооллогын комиссын дарга Н.Баттогтох танилцуулав.

Санал хураалтанд хуралд оролцогчид 100% оролцож нийт саналын хуудас дахь асуулгыг 100% дэмжсэн байна.

“Орхон хөгжил” ХК-ийн 2017 оны 04 сарын 25-ны өдрийн хувьцаа эзэмшигчдийн ээлжит хурлаар хэлэлцсэн асуудлын дагуу **ШИЙДВЭРЛЭСЭН НЬ:**

1. Компанийн үйл ажиллагааны болон санхүүгийн тайланг оролцсон гишүүдийн 100%-ийн саналаар батлав.
2. Компанийн цаашид хэрэгжүүлэх үйл ажиллагааны бизнес төлөвөлгөөг 100%-ийн саналаар батлав.
3. Компанийн ТУЗ – ийн ногдол ашиг хувиарлахгүй талаар гаргасан тогтоолыг гишүүдийг оролцсон гишүүдийн 100%-ийн саналаар батлав.

Хурлын дарга Д.Оюунжаргал хурлыг хаав.

Хурал: 12.00 цагт өндөрлөв.

Хурлын дарга: Д.Оюунжаргал

Тэмдэглэл хөтөлсөн: Г.Урантогос

